

Felices animas, quibus hæc cognoscere primis
 Inque domos superas scandere cura fuit
 Credibile est illos pariter vitiisque jocisque
 Altiùs humanis exeruisse caput.
 Non Venus & vinum sublimia pectora fregit
 Officiùmq; fori militiæve labor.
 Nec levis ambitio perfusaq; gloria fuco
 Magnarumque fames sollicitavit opum.
 Admovêre oculis distantia sidera nostris
 Ætheraq; ingenio supposuêre suo.
 Sic petitur cœlum — — — —

Sic petemus & nos coram velut intuituri regiam Solis viam
 cæterorum item Planetarum vestigia, ex iisq; limites eorum
 discemus, & quæ norma aut regula universi exercitiis cœlestis
 passûs ac in illis tempora dinumeret. Eximia hæc sunt & al-
 tiora, quam ut viriculis nostris eò nitamur, freti verò & usi Di-
 vini Numinis auxilio, nec tumultuario etiam labori optatus
 finis nec fugitivis oculis suum deerit oblectamentum.

Exurge quare Phosphori micans lumen
 Fax veritatis, Numen ô pium, sanctum
 Caliginem nostræque disipa mentis!

SECTIO I.

§. 1. Æquator est circulus maximus mobilis & in-
 variabilis, undiquaque à polis mundi æquidistans, quem ☉ mo-
 tu proprio attingens in sphæra obliqua pariter & recta no-
 ctem diei æqualem facit, in parallela autem noctem diemve
 sex mensium dirimit.

§. 2. Definitionem hanc ex utilissimo libello Astro-
 gnostico Excell. Dn. Lic. Strauchii, Præceptoris æviternum co-
 lendi desumtam ut legitimam probemus adeò opus non est,
 quippe clara sunt omnia. Æquatorem ab æquando dici no-
 tum iis est, qui rudimenta tractant. Quod ipsum nomen offi-
 cium ejus exprimit, seu quod juxta alios primum mobile in
 duo æqualia dividat, seu quod sol eum attingens faciat no-
 bis æquinoctium, seu quod in sphæra recta, ubi cum horizon-
 te se